

IMPLEMENTERING VAN VLAK 5 WATERBEPERKINGS



Munisipaliteit Swartland het vlak 5 waterbeperkings goedgekeur met ingang vanaf 1 November 2017 tot verdere kennisgewing.

BEPERKINGS VAN TOEPASSING OP ALLE VERBRUIKERS

- Alle waterverbruikers moet **nie meer as 60 liter** munisipale drinkwater per persoon per dag gebruik nie, ongeag of jy by die huis, by die werk of elders is.
- Besproeiing/natlei met munisipale drinkwater word verbied. Dit sluit in die natmaak van blombeddings, grasperke, groentetuine, landbougewasse, sportgronde, golfbane, skole, onderwysinstellings, kwekerie, parke en ander openbare oop ruimtes. Kwekerie en kliënte gemoeid met landbou-aktiwiteite of historiese tuine mag aansoek doen om vrystelling.
- Alle eiendomme waarop gebruik gemaak word van alternatiewe, nie-drinkbare waterbronne (bv. opgevangde reënwater, gryswater vir hergebruik, behandelde rioolwater, fonteine, syfer- en boorgatwater) moet toepaslike kennisgewings aanbring wat duidelik sigbaar is vanaf 'n publieke deurgang. Gebruikers van hierdie bronne mag slegs natlei/besproei voor 08:00 en na 18:00 vir 'n maksimum van een uur per dag, maar word ten sterkste aangemoedig om nie enige areas nat te lei binne sewe dae na reënval met genoegsame deurdrenking nie.
- Waar boorgatwater as 'n ander bron van water aangedui word, moet eienaars gemelde boorgate asook die leweringsvermoë daarvan, indien bekend, by die Munisipaliteit registreer.
- Die gebruik van munisipale drinkwater om harde oppervlaktes, mure, dakke of geplaveide areas af te spuit, word verbied. Gebruikers, soos abattoirs, voedselvervaardigingsindustrieë, sorgfasiliteite, diereskuilings en ander industrieë of fasiliteite met spesiale behoeftes mag aansoek doen om vrystelling.
- Die opvul of volmaak (hetsy met die hand of outomaties) van swembaddens met munisipale drinkwater, selfs al is dit met 'n seilbedekking toegerus, word verbied. Dit sluit die volmaak van nuwe swembaddens of die hervul van 'n bestaande swembad na herstelwerk in. Dit is van toepassing op alle swembaddens, ingesluit publieke swembaddens en swembaddens by klubs, besighede en instellings.
- Die gebruik van munisipale drinkwater vir die afkoeling van enige dakoppervlakte, word verbied.
- Die gebruik van munisipale drinkwater vir ornamentele fonteine en waterfokuspunte word verbied.
- Verbruikers word aangemoedig om toilette (met die hand deur gebruik te maak van 'n emmer) te spoel met gryswater, reënwater of ander nie-drinkbare water.

BEPERKINGS VAN TOEPASSING OP ALLE RESIDENSIËLE VERBRUIKERS

- Enkelresidensiële eiendomme (huishoudelike verbruikers) wat meer as 20 000 liter munisipale drinkwater per maand gebruik, sal beboet word. Sien NOTAS hieronder vir toepaslike boete.
- Klusterontwikkelings (bv. woonstelle en behuisingskomplekse) wat gemiddeld meer as 20 000 liter munisipale drinkwater per residensiële eenheid per maand gebruik, sal beboet word.
- Die was en afspoel van voertuie, sleepwaens, karavane en bote met munisipale drinkwater word verbied. Nie-munisipale drinkwater of waterlose middels of droogskoonmaakprosesse moet gebruik word vir die was hiervan.
- Die gebruik van skuifbare speelswembaddens ('portable pools'), ingesluit glip & gly ('slip & slide') opblaasbare toerusting word verbied.
- Kliënte word ten sterkste aangemoedig om waterdoeltreffende onderdele, toebehore en tegnologie te installeer om waterverbruik by krane, stortkoppe en ander loodgieterskomponente te beperk.

BEPERKINGS VAN TOEPASSING OP NIE-RESIDENSIËLE VERBRUIKERS

- Die gebruik van munisipale drinkwater vir landboudoeleindes, bv. om gewasse te besproei of as drinkwater vir lewendehawe, word verbied. Alle landbougebruikers moet toesien dat hulle maandelikse verbruik van munisipale drinkwater vir huishoudelike doeleindes met 40% afneem teenoor die vorige jaar se verbruik.
- Die was en afspoel van voertuie (ingesluit taxi's), sleepwaens, karavane of bote met munisipale drinkwater word verbied. Voertuie, sleepwaens, karavane en bote moet met nie-drinkbare water of waterlose produkte of droogskoonmaakprosesse gewas word. Dit is van toepassing op sowel formele as informele karwasserye.
- Die gebruik van pasgemaakte bedekkings vir publieke swembaddens word sterk aangemoedig, indien prakties moontlik.
- Outomatiese opvulsisteme vir swembaddens word verbied.
- Die bedryf van waterspeelpoele ('spray parks') word verbied.
- Kliënte/fasiliteite moet waterdoeltreffende onderdele, toebehore en tegnologie installeer om waterverbruik by alle krane, stortkoppe en ander loodgieterskomponente in publieke plekke te beperk.
- Gholfbane, sportfasiliteite, parke, skole en opvoedkundige instellings mag nie nuwe tuine uittê (landskapering doen) of sportvelde aanlê nie, behalwe indien dit slegs met nie-drinkbare water besproei word.
- Ten aansien van verbruikers wat van water voorsien word in terme van 'n spesiale ooreenkoms (bv. notariële aktes of waterdiensverskaffers) sal die kontrakvoorwaardes geld.

NOTAS:

- (1) Versuim om enige van die bogemelde beperkings na te kom, behels 'n misdryf ingevolge die Munisipaliteit se Verordening insake Watervoorsiening, Sanitasiedienste en Industriële Afvloei, 2014. Die beskuldigde is stafbaar met 'n boete ter erkenning van skuld van R2 000,00 en/of, ooreenkomstig artikel 69(3), die installing van 'n *Aqualoc*-watermeter of enige ander beperkende meganisme (wat daaglikse waterverbruik reguleer) op persele waar die nie-nakoming plaasvind. Die kostes daarvan sal teen die relevante rekeninghouer se rekening gehef word. Kliënte met 'n goeie rede vir hoër waterverbruik moet voldoende motivering aan die Munisipaliteit voorsien om hulle hoër waterverbruik te regverdig.
- (2) Alle vrystellings wat onder die vlak 4 beperkings uitgereik is, word met onmiddellike effek opgeskort en geen nuwe vrystellings sal oorweeg word nie tensy anders aangedui hierbo.
- (3) Waterdruk en vloeitempo mag verlaag word benede die toepaslike wetgewing of standaardvereistes om lekkasies te beperk, wat onderbrekings/skommelings in die watertoevoer tot gevolg kan hê.

VERHOOGDE TARIEWE

Met effek vanaf die diensterekening wat gedurende November 2017 aan verbruikers gelewer sal word vir betaling teen 30 November 2017, sal die volgende tariewe* geld:

Ten opsigte van huishoudelike verbruikers:

	Tarief per eenheid (kiloliter)
0 tot 4 kl	R6,30 plus BTW
5 tot 10 kl	R17,61 plus BTW
11 tot 15 kl	R19.37 plus BTW
16 tot 20 kl	R55.00 plus BTW
21 tot 25 kl	R72.00 plus BTW
26 tot 50 kl	R99.99 plus BTW
51 kl en meer	R265.12 plus BTW

Ten opsigte van besighede:

R25,00 plus BTW vanaf die eerste kiloliter van verbruik

Ten opsigte van skole, regeringsinstellings en sportklubs:

R30,00 plus BTW vanaf die eerste kiloliter van verbruik

AANSOEK OM VRYSTELLING

Kliënte met spesiale vereistes mag by die Direkteur: Korporatiewe Dienste aansoek doen om vrystelling van die waterbeperkings. Besoek ons webtuise (www.swartland.org.za) om die aansoekvorm te bekom.

J J SCHOLTZ
MUNISIPALE BESTUURDER

Oktober 2017

- Vir die Engelse en Xhosa weergawes van hierdie beperkings, raadpleeg ons webtuise www.swartland.org.za.
- Rapporteer vermorsing by 022 487 9400 of 022 487 9411 of e-pos ons by swartlandmun@swartland.org.za.
- Om boorgate te registreer, kontak 022 487 9400 (Esmari Steenkamp).

Asseblief onmiddellik:

- ✓ **Sny u watergebruik tot minder as 60 liter per persoon per dag**
- ✓ **Gebruik munisipale drinkwater slegs vir essensiële was-, kook- en drinkdoeleindes, en gebruik dit slegs binnenshuis**
- ✓ **Kontroleer en herstel alle lekkasies op u eiendom**
- ✓ **Verminder huishoudelike gebruik tot minder as 20 kiloliter per maand**